

CLUBNACHRICHTEN



1. Ausgabe 21/22

August

www.scgoldingen.ch

Info-Tel. 055 212 96 11

Nächste Anlässe

28.08.2022	SwissPass Smile Challenge
04.09.2022	Birk-Trophy
18.09.2022	Club- und Familienwanderung
28.09.2022	Clubeinkauf STS Hinwil
01.10.2022	Ehrenmitglieder- und Oldtimerausflug
15. – 21.10.2022	Herbstlager Stubaital
28. + 29.10.2022	16. Raclette-Obig
04.11.2022	Herbstversammlung
26.11.2022	Papier- und Kartonsammlung
17.12.2022	Überraschungsevent

Nächster Redaktionsschluss:

Nächster Versand:

Redaktion:

Druck:

28. September 2022

05. Oktober 2022

Adrian Wildhaber

Patrick Gübeli & Adrian Wildhaber

Inhalt

Inhalt	2
Gratulationen.....	2
Saisonstart Ski Team 2022/23.....	3
SwissPass Smile Challenge 2022	4
Birk-Trophy 2022.....	4
Club- und Familienwanderung 2022	5
Einkleidung / Tauschbörse Ski Team 2022.....	6
Clubeinkauf STS Hinwil 2022	7
Ehrenmitglieder- und Oldtimerausflug 2022.....	7
Hochzeit Nadine und Philipp Gübeli	7
Überraschungsevent	7
Herbstlager Stubaital 2022	8
16. Raclette-Obig – 28./29. Oktober 2022	9
Termine Skirennen 2023	9
Krisenmanagement Skiclub Goldingen.....	10
Konstitutionen Vorstand 2022/23.....	11
Jahresbericht des Präsidenten 2021/22.....	11
Jahresbericht Ski Team 2021/22	13
Bericht vom Gönnerreisli 2022	15
Wichtige Adressen.....	20

Gratulationen

August	22.	Rahel Bollhalder Mühlestrasse 7, 8733 Eschenbach	30 Jahre
	25.	Kurt Gmür Hofstrasse 3, 8722 Kaltbrunn	60 Jahre
	30.	Michael Brändle Büechliberg 11, 8733 Eschenbach	50 Jahre
	30.	Anton Widmer Rickenstrasse 10, 8735 St. Gallenkappel	83 Jahre
	30.	Margrith Oberholzer Hubertingerstrasse 7, 8638 Goldingen	70 Jahre
September	11.	Josef Wildhaber Bergstrasse 2a, 8735 St. Gallenkappel	65 Jahre

	16.	Sylvia Senteler Twirrenstrasse 19b, 8733 Eschenbach	65 Jahre
	20.	Hans Wirth Pfaffengutstrasse 1, 8717 Benken	80 Jahre
	27.	Roland Brändli Lettengass 13, 8733 Eschenbach	65 Jahre
	27.	Markus Rüegg Betzikon 27B, 8735 St. Gallenkappel	60 Jahre
Oktober	03.	Nicole Meili-Wyss Mythenstrasse 5, 8733 Eschenbach	60 Jahre
	03.	Franz-Ruedi Fäh Rietstrasse 11, 8717 Benken	70 Jahre
	10.	Toni Wäger Bürgstrasse 35, 8638 Goldingen	80 Jahre

Wir wünschen allen Jubilaren ein schönes Fest, Gesundheit und viele frohe Stunden zusammen mit ihren Lieben.

Saisonstart Ski Team 2022/23

Am 15./16. August 2022 ist es wieder soweit und wir starten mit unseren Vorbereitungen für die kommende Skisaison. Wir werden uns mit einem abwechslungsreichen und polysportiven Sportprogramm fit machen. Lass dir dies also auf keinen Fall entgehen und besuche unsere Schnuppertrainings.

Jeweils Dienstag (18.00 Uhr – 19.30 Uhr) und Samstag (09.00 Uhr–11.00 Uhr) in der Turnhalle in Goldingen an folgenden Daten:

Di 16.08., Di 23.08., Di 06.09., Sa 10.09.2022

Info für Clubmitglieder

An folgenden Wochentagen werden vom Ski Team Trainings durchgeführt. Alle Clubmitglieder sind herzlichst dazu eingeladen am Montag- oder Donnerstagtraining teilzunehmen.

Wochentag	Zeit	Zeitraum	Training	Bemerkungen
Montag	19.00 – 20.00	15.08.2022 bis Ende Februar	Krafttraining	Mit Clubmitglieder
Dienstag	18.00 – 19.30	16.08.2022 bis Ende Saison	Konditraining	

Donnerstag	19.00 – 20.30	27.10.2022 bis Ende Saison	Konditraining	Mit Clubmitglieder
Samstag	09.00 – 11.00	10.09.2022 bis Ende Saison	Konditraining oder Skitraining	

Alle weiteren Infos findest du auf unserer Homepage www.scgoldingen.ch unter der Rubrik Club / Ski Team ([Link zur Rubrik](#))

Für weitere Informationen oder Fragen steht dir das Ski Team sehr gerne zur Verfügung!!!

Mit sportlichen Grüßen

Samuel Rüegg

Tel 077 459 00 60

Mail samuel.ruegg@bluewin.ch

SwissPass Smile Challenge 2022

Am 28. August 2022 wird das Ski Team des Skiclubs Goldingen am Sommer-Event von Swiss Ski teilnehmen. Die Kinder werden in Schindellegi jeweils in Gruppen um den Sieg bei den diversen polysportiven Posten kämpfen.

Es sind alle herzlich eingeladen unsere Nachwuchssportler kräftig zu unterstützen.

Wir freuen uns auf viele Fan's in Schindellegi 😊 😊 😊

Birk-Trophy 2022

Liebe Skiclübler, Bergläufer und Wanderer



Am Sonntag, 04. September 2022, findet unsere alljährliche Birk-Trophy statt. Es sind alle (auch Nicht-Clubmitglieder, Eltern, Geschwister, usw.) herzlich dazu eingeladen mit uns einen schönen Tag im Birk oder im Schindelberg zu verbringen.

Wir möchten uns an dieser Stelle herzlichst bei Ruedi Kühne, Remo Blöchliger und Urs Hedinger für die Möglichkeit bedanken unsere Birk-Trophy im gewohnten Rahmen abhalten zu können.

Datum: Sonntag, 04. September 2022

Besammlung: 09:30 Uhr

Ort: Hinter Restaurant Sonne, Hintergoldingen

- Start:** **10:00 Uhr**, Massenstart für alle Clubmitglieder und Ski Team Mitglieder ab Jahrgang 2011 und älter beim Restaurant Sonne
- Anschließend**, Massenstart für die anderen Ski Team Mitglieder bis zum Jahrgang 2012 und jünger im Chamm
- Ziel:** Bei guter Witterung im Birk, ansonsten im Schindelberg (kann kurzfristig geändert werden)
- Rangverkündigung:** Birk oder Schindelberg
- Ende:** 13:00 Uhr, kurzer Umtrunk im Restaurant Schindelberg (falls Standort im Birk)
- Verpflegung:** Bei guter Witterung aus dem Rucksack, ansonsten im Rest. Schindelberg. **(Im Birk kann allenfalls nicht grilliert werden. Bitte haltet euch die Optionen frei. Die Getränke, sowie Kuchen und Kaffee werden vom Skiclub organisiert)**
- Durchführung:** Dieser Anlass findet bei jeder Witterung statt. Info über Ziel ab Sonntag, 04. September 2022, 08.15 Uhr, auf unserem Info-Tel. 055 212 96 11.

Für die Bergläufer besteht die Möglichkeit, den Rucksack und Reservekleider an den Zielort transportieren zu lassen.

Wer hat Lust, einen Kuchen zu backen?

Wir bitten die Kuchenspender eine kurze Nachricht an Adrian Wildhaber zu senden, sodass er weiss mit wie vielen Kuchen er rechnen darf. Die Kuchen werden dann beim Restaurant Sonne in die Transportautos verladen und zum Birk transportiert. **Vielen Dank schon im Voraus!!!**

Adrian Wildhaber 079 284 25 24 wildi89@bluewin.ch

Wir freuen uns auf viele Teilnehmer! Adi und Vorstand

Club- und Familienwanderung 2022

Am Sonntag, 18. September 2022 findet unsere Club- und Familienwanderung statt. Die diesjährige Wanderung führt uns in das Grenzgebiet der drei Kantone Schwyz, Zug und Zürich. Manuel und der Vorstand freuen sich auf einen schönen Wandertag zusammen mit der Skiclubfamilie.

- Besammlung:** 08.30 Uhr Parkplatz Churzhaslen, Eschenbach
- Hinfahrt:** Mit den PW's nach Schindellegi
Es wird gebeten, sich vorgängig miteinander abzusprechen und selbstständig Fahrgemeinschaften zu bilden
- Mittagessen:** Verpflegung aus dem Rucksack. **Es wird „brötlet“**

Route:	Schindellegi – Obermoos – Ängihöchi - Wildspitz (kleiner Apéro) – Dreiländerstein – Mittagshalt bei Grillplatz Gruebi – Gasthaus Rossberg – Schindellegi
Weitere Informationen:	Gesamte Länge der Strecke 8,5km, Gesamter Auf- und Abstieg von je rund 430m, reine Wanderzeit 3 bis 3,5h. Die Wanderung ist familientauglich, jedoch nicht kinderwagengerecht.
Ausklang:	I dä Bäzebeiz Mühlihöckli, Eschenbach
Durchführung:	Informationen über die Durchführung am Vorabend (ab 18.00 Uhr) auf www.scgoldingen.ch oder auf dem Infotelefon des Skiclubs unter 055 212 96 11



Einkleidung / Tauschbörse Ski Team 2022

Liebe Ski Team Eltern

Die Einkleidung und Tauschbörse für das Ski Team findet vor dem Konditionstraining, am Samstag, 24. September 2022 von 09:00 bis 10:00 Uhr statt. Bitte seit alle um 09:00 Uhr beim Eingang der Turnhalle Goldingen. Die Einkleidung ist für alle Ski Team Mitglieder obligatorisch. Weitere Infos folgen über den WhatsApp JO SKI Chat.

Während der Einkleidung gibt es wieder die Möglichkeit Skigegegenstände, Ski-Kombi, etc. untereinander auszutauschen. Nicht getauschte Gegenstände müssen unbedingt wieder von den Besitzern mitgenommen werden!

Clubeinkauf STS Hinwil 2022

Der Clubeinkauf findet neu eine Woche früher statt, und zwar am 28. September 2022 ab 19.00 Uhr im Sport Trend Shop Hinwil.

Falls es jemandem nicht möglich wäre, an diesem Abend am Clubeinkauf dabei zu sein, kann sich über weitere Möglichkeiten bei Manuela Büsser informieren.

Für den Clubeinkauf gelten die üblichen Konditionen.

Der Vorstand hofft, viele Skiclubmitglieder begrüßen zu dürfen.

Ehrenmitglieder- und Oldtimerausflug 2022

In diesem Jahr wird der Ehrenmitglieder- und Oldtimerausflug am 01. Oktober 2022 stattfinden. Die persönliche Einladung wird vor dem Anlass durch Werni Oberholzer, unseren Obmann, verschickt. Es dürfen wiederum nur Mitglieder mit einer persönlichen Einladung daran teilnehmen.

Der Vorstand freut sich bereits jetzt auf einen schönen und interessanten Ausflug.

Hochzeit Nadine und Philipp Gübeli

Liebe Skiclubfamilie

In diesem Jahr wird unser Skiclubmitglied Philipp Gübeli heiraten. Am 08. Oktober 2022 werden sich Nadine und Philipp in der Kirche in Flums das JA-Wort geben.

Hierfür suchen wir Helfer für das Spalierstehen und wir sind auf eure tatkräftige Mithilfe angewiesen. Bitte notiert euch den Termin und meldet euch auf unserer Webseite an.

Besammlung: 13:45 Uhr bei der Kirche St. Justus in Flums

Tenue: Jeans und Club-T-Shirt resp. Club-Poloshirt inkl. Ski

Anmeldung bis zum **24. September 2022** auf unserer Webseite (An-/Abmeldungen): [Link zur Anmeldung](#)

Bereits jetzt ein herzliches Dankeschön an alle Spaliersteherinnen und Spaliersteher für eure Teilnahme.

Euer Vorstand

Überraschungsevent

Liebe Skiclubfamilie

Am 17. Dezember 2022 möchten wir euch gerne überraschen. Bitte haltet euch diesen Termin ab 14.00 Uhr frei, sodass wir gemeinsam einen schönen Tag verbringen können. Euer Vorstand

Herbstlager Stubaital 2022



Trainingslager Stubaital vom 15. - 21. Oktober 2022
Hotel Christoph / Alpenhotel Tirolerhof, Neustift

- Teilnehmer:** Ski Team Leiter
Ski Team Mitglieder Alpin
Ski Team Eltern / Clubmitglieder SCG
- Kosten:** Ski Team Alpin Kinder **Fr. 460.-**
Ski Team Junioren **Fr. 560.-**
Alle anderen (ausgenommen Kleinkinder) **Fr. 700.- / Einzelzimmerzuschlag Fr. 90.-**
Bei kurzfristiger Abmeldung (innerhalb 2 Wochen vor Abreise) wird automatisch ein Unkostenbeitrag von Fr. 100.- verrechnet.
- (Die Einteilung Hotel Christoph /Tirolerhof ist Sache der Lager-Verantwortlichen)
Die Vergünstigung von Fr. 100.- der Ski Team Mitglieder ist im Leitbild 2022/23 geregelt.
- In den Lagerkosten sind inbegriffen:
• 6 Übernachtungen im Doppelzimmer/Drei-Bett-zimmer, TV, Sauna
• Frühstück, Mittagslunch Ski Team (So-Fr) – Tirolerhof ohne Lunchpaket, Abendessen
• 6-Tages-Skipass Ski Team, 5 aus 7 Tagen Wahlabo Skipass für Eltern / Clubmitglieder
• Pickerl Privatautos (offizielle Fahrer)
– Benzin – respektive Kilometergeld ist Sache der Mitfahrer
- Bezahlung:** Ski Team Mitglieder Beträge werden direkt dem Trainings-/Wettkampfkonto belastet

Clubmitglieder bitte auf folgendes Konto einzahlen:
Raiffeisenbank am Ricken, 8733 Eschenbach, IBAN CH38 8080 8005 3755 5444 1
- Ausrüstung:** ID oder Pass / evtl. Familienausweis / Sackgeld in EURO (max. 50 Euro)
komplette Skiausrüstung inkl. Schoner für Slalomtraining,
Turnzeug mit Laufschuhen, Hausschuhe, Toilettenartikel, übliche Wäsche,
Sonnencrème und Sonnenbrille, kleiner Rucksack, Badehose, Spiele
- Hotel Ski Team:** Hotel Christoph, Fam. Güttersberger, A-6167 Neustift im Stubaital - Tirol
Tel: 0043 5226 2541 / Homepage: www.hotel-christoph.at
- Hotel Eltern/Club:** Alpenhotel Tirolerhof, Fam. Pfurtscheller, A-6167 Neustift im Stubaital - Tirol
Tel: 0043 5226 3278 / Homepage: www.alpenhotel-tirolerhof.com
- Versicherung:** Ist Sache jedes Teilnehmers! (Bitte selber überprüfen)
- Besammlung:** **Samstag, 15. Oktober 2022**, 13.00 Uhr, Ochsen Neuhaus
- Rückreise:** **Freitag, 21. Oktober 2022**, ca. 18.00 Uhr, Ochsen Neuhaus

Bei diesem günstigen Angebot hoffen wir auf eine lückenlose Teilnahme an diesem Trainingslager, damit wir uns optimal auf die neue Saison vorbereiten können.

DIES IST DIE WICHTIGSTE WOCHE DER GANZEN SAISONVORBEREITUNG (TECHNIK).

Euer Leiterteam freut sich heute schon auf eine erlebnisreiche und intensive Trainingswoche.

Ski Team Skiclub Goldingen
Euer Leiterteam

Anmeldungen nur online auf www.scgoldingen.ch / Anmeldungen/ Herbstlager Stubaital

Anmeldung bis spätestens 14. September 2022

Bei Fragen stehen Dir Samuel Rüegg, samuel.ruegg@bluewin.ch oder
Erto Blöchlinger, blocherto@yahoo.com gerne zur Verfügung.

Ski Team SC Goldingen

03.08.2022

16. Raclette-Obig – 28./29. Oktober 2022

Der 16. Raclette-Obig findet am Freitag/Samstag 28./29. Oktober 2022 wieder im «MuFu-Raum» der Sportbahnen Atzmännig, unterhalb der Sesselbahn statt. Dafür möchten wir uns ganz herzlich bei Roger Meier von den Sportbahnen Atzmännig AG für das Entgegenkommen bedanken.

Natürlich braucht es für diesen Anlass auch wieder Helfer. Wir können jede helfende Hand gebrauchen. **Wiederum kannst du dich online für die Einsätze anmelden** unter www.scgoldingen.ch / Anmeldungen oder direkt unter diesem Link: <https://www.scgoldingen.ch/anmeldungen/>

- Aufstellen / Aufbauen
- Freitagnachmittag, -abend und –nacht
- Samstagnachmittag, -abend und –nacht
- Montag zum Aufräumen / Abbau
- Taxi-Chauffeur für Freitag- und Samstagnacht



Genauere Zeitangaben auf:

<https://www.scgoldingen.ch/anmeldungen/>

Dein Einsatz zählt zur Jahresmeisterschaft.

Vielen Dank für Deinen Einsatz!

Bereits heute ein herzliches Dankeschön unseren beiden Hauptsponsoren:



Termine Skirennen 2023

Nachfolgend sind die Termine der Skirennen des Skiclubs Goldingen aufgeführt.

Daten Skirennen

2023	Febr.	10.	Super-G Training Atzmännig / Einrichten
		11.	JO RS und Goldinger Jugend Super-G
		12.	56. Atzmännig RS / Goldinger Super-G
		24.	Einrichten
		25.	Atzmännig Kids Race / Eisenbahner-Rennen
		26.	JO-Animations Combi Race Technik (SL/GS)
März	03.	Einrichten	
	04.	LinthCUP Super-G / Clubrennen / Fackelabfahrt / Skichilbi	
	05.	Atzmännig Kids Race / Eisenbahner-Rennen (Versch.-Datum)	

Krisenmanagement Skiclub Goldingen


Liebe Skiclubmitglieder

Im Zuge der Sport-verein-t Bewerbung haben wir für den Skiclub Goldingen ein Krisenmanagement erstellt, welches uns bei Krisen und schwierigen Vorkommnissen helfen soll. Es legt genaustens fest, wie wir bei solchen Situationen vorgehen werden / müssen.

Alle Mitglieder sollen dieses Krisenmanagement kennen und wissen auf wen sie in den entsprechenden Situationen zugehen müssen. Bitte seht euch bei Gelegenheit dieses Krisenmanagement auf der Webseite an:

www.scgoldingen.ch/sport-verein-t/

In solchen Situationen ist es äusserst wichtig, dass niemand ausser den Verantwortlichen mit der Presse spricht oder sogar Auskünfte gibt!!!



Konstitutionen Vorstand 2022/23

Liebe Clubmitglieder

Nachträglich haben wir euch zur Information aufgeführt wie die Konstitution des Vorstandes in der Saison 2022/23 aussieht.

Präsident: Patrick Gübeli
Vizepräsident: Adrian Wildhaber
Kassier: Stefan Fischer
Aktuar: Manuel Rüegg
Techn. Leitung: Manuela Büsser
Materialverwalter: Roger Blöchlinger
Administration: Nicole Kündig

Jahresbericht des Präsidenten 2021/22

Nach dä verschobene Hauptversammlig am 02. Juli 2021 wär d'Ironman Festbeiz gsi. Dä Ironman isch zwar dureg-füert worde, jedoch händ kei Beizli dörfe betribe werde, so isch dä Alass is Wasser gfallene.

Die traditionell Birk-Trophy, Endi August dörf natürlich gar nöd fähle. So würds us gseh bi schönem Wätter im Birk. Und so häts us gseh, wänns direkt in Schindelberg goht und chli rägnet.

Trotz dem Wätter isch wieder ä sehr grossi Skiclubschaar debi gsi und hät s'Ziel im Schindelberg erreicht. Det sind mir bestens verköstigt worde und händ d'Sieger chöne ehre. Danke am Wildi für s'organisiere.

Definitiv is Wasser gfallene isch dänn d'Club- und Familiewanderig, dänn s'Wätter hät nöd wele wie mir. Ä chlineri Delegation vom Vorstand verstärkt hät sich dänn glich no uf dä Wäg is Mühlihöckli gmacht und det paar gmuetliche Stunde verbrocht.



Papier- und Karton sammlene isch im September traditionell uf em Programm gstande. Danke am Roger und am Znüni Team für's organisiere.

Am erste Samstig im Oktober dänn dä Ehremitglieder- und Oldtimerflug zum Bärtsch Franz i d'Flumsi go chäse. Bi di einte sind ganz verborgni Talent zum vorschich cho. Bi andere sind alti Fähigkeite witergeführt worde. Super Tag gsi Werni viele Dank. D'Chästeilete isch underdesse gsi und üse Chäs isch wie erwartet fantastisch gsi.

Nach em Clubichauf isch es dänn is Stubai uf d'Ski gange. Fast -60- Skiverruckti sind debi gsi und dä Schnee hät üs das Johr nöd im Stich glo.

Danke am Erto und am Burki für's organisiere, wieder ä tolli Wuche gsi.

Im Oktober händ mir dänn üsere Raclette-Alass duregfüert und zwar das Mol als Outdoor-Anlass. Dä Ufmarsch vo dä Lüt isch au under dä bsundere Umständ sehr gross gsi und mir händ en sehr erfolgriche Alass dörfe ha.

D'Herbstversammlung isch dänn im Bannholz, z'Goldige gsi und endlich händ mir das Cordonbleu glich no chöne gnüsse.

Afangs Dezember händ mir mit em Vorstand üses jährliche ässe, das mol ohni Partner, gmacht und sind gro Gritti-bänze bache bim Mögus. Die einte sind schön und die andere chli anderster use cho . Nach em gmüetliche Nachtes-se im Ochse isch dänn no öpper chli müed worde.

Dä Überraschigsevent vom 18. Dezember hät dänn leider müese abseit werde. Mir werdet das Johr am 17. De-zember en neue Versuech starte.

Am zweite Wuchenänd im Februar sind dänn d'Jugendränne und dä Atzmännig-RS sowie dä Goldinger-Super-G ufem Programm gstande . Mitem legale Trick und jewils zwei separate Ränne am Vormittag und am Namittag händ dänn am Jugendrenne glich no all chöne starte. Leider isch dänn am Schluss no so en doofe Schlittler cho und hät die zwei vo dä Bei gholt. Hoffe got Eu beidne bald wieder super und ihr händ Eu guet chöne erhole. Ander händ dä Usklang besser chöne gnüsse und händ no es chlises Usfährli gmacht.

D'Animationsränne vom 20. Februar 2022 , au i dä Flumsi, sind au en super Erfolg gsi. Zum Abschluss hät's im Bistro ä gmeinsams Esse, offeriert vom Skiclub, gä.

S'Hüppi Schnuppertraining und s'Atzmännig Kids Race sind weder am Originaldatum no am Verschiebigdatum dure gfüert worde, dä Schnee im Atzmännig hät leider gfählt.

Afangs März isch es wieder i d'Flumsi gange und dä LinthCUP Super-G und s'Clubränne sind ufem Programm gstande. Au d'Vorfahrer händ alles gä. En tolle Tag au für d'Kids.



Am Obig dänn d'Ehrig vo dä Schnellste vom Clubränne und mit super Musig vom Roman Schnider. Er hät aber au no verstärchig gha.

Am ROK under dä Leitig vom Märtel, Erto, René es riese Dankeschön. Wie immer i dä letschte Johr alles tip top klappet und top organisiert gsi.

Endlich isch es wieder as Skiweekend gange und dänn häts mich verwütscht und ich ha nöd mal chöne go. Immerhin seg ich vermisst worde, Spass händs trotzdem gha. Danke Erto für's organisiere.

Da mir jetzt -3- Mol im Johr sammle tüend, isch dänn s'erst mal Papier- und Karton scho Ende März gsammelt worde. Danke am Roger und am z'Nnüni Team und s'Blöchlinger a dä Lindestross für d'Gastfründschaft.

Mit acht Teams sind mir a d'ZSV-Clubmeisterschafte in Hoch-Ybrig. S'Wätter hät nöd so toll mitgmacht. Isch es ächt drum zu dem Vorfall cho? – uf alli Fäll sind d'Goldiger dänn eimal meh mit em letschte Bändli und em Personal du-rab.

Am 7. Mai händ mir dänn voll's Programm gha. Eröffnungsfir vo dä Sportanlagen Eschenbach mit üsem Raclette Stübli und s'LinthCUP Absende sind grad glichzeitig gsi. Danke Nicole und Lisä für d'Organisation.

Zum Abschluss vo dä Saison isch dänn g'jasset und keglet worde am Namittag vorem Helferanlass, will d'Sunne vor-her im Umbau gsi isch.

Endlich, Endlich händ mir dänn au üsere Helferalass bim Hans Oberholzer i dä Schüür wieder mal chöne dure füere. Bim ässe händ mir mal öppis gwagt und s'hät Tibetisch gä mit Momos und Jabalait.

Entstande isch die Idee alässlich vom Integrationsalass wo mir im Rahme vo Chappelle-on-Ice duregfüert händ. Ten-zin isch det au debi gsi und dänn händ mir mit ihre das chöne deichsle.

Vom Seppe Toni und vom Margritli sind mir au no guet underhalte worde und mir händ än schöne Alass zäme dörfe erläbe. Danke dä Nicole und am Vorstand für's organisiere.

Gern wet ich a dere Stell au allne üserne Sponsore, wo üs i irgend enere Form understützet ganz ganz herzlich Dan-ke säge.

Danke wet ich gern au mine Vorstandskollegine und Kollege, aber au allne Mitglieder vom ROK, Raclette, Spoko, Ski Team und Bekleidig für die super zämarbet.

Eu äs Helfer und Mitglieder es rise Dankeschön für Eue Isatz und Eure Bitrag zur Gselligkeit und die toll Kamerad-schaft im Skiclub. Jetz dörfet mir das ja wieder i volle züge und ohni Ischränkige gnüsse.

Jetzt no öppis i eigeter Sach. Das isch min zweitletschte Bricht als Präsident gsi. Es wird Zit s'Zeppter i jüngerer Händ z'gä. Höre set mer wänn's eim no Spass macht und nöd dänn wänn's zur Last wird und vor allem dänn, wänn die potenzielle Nachfolger in Schaare wartet... und sehr wichtig! bevor's eim vom «Tron» stosset.

Mir isch es es grosses Aligge, d'Füerig vo üserem Skiclub geordnet i neu Händ z'gä. Ich freu mich uf es letscht's Johr als Präsi vo Eu und mache das mit grossem Stolz. (Aso sofern ihr mich dänn spöter überhaupt numol wälet)

Eue Präsi, Rick

Jahresbericht Ski Team 2021/22

Skiteam isch Mitte August letscht Johr i die neu Saison gstartet. Erfeulicherwis häts en grosse Zuwachs gä, so sind 24 Chind und Jugendliche bi üs im Team debi. Mit viel Trainings i de Halle oder dusse, Chraft- und Usduurtraining händ mir üs uf Skisaison vorbereitet.

Mitte Oktober gots wieder uf de Gletscher, is Stubaital. D'Leiter scho en Tag früener als Chind, für en J+S Fortbil-digstag under de Leitig vo de Manu. Super Bedingige, sechs Täg uf de Ski mit viel Technik- und Stangetrainings. Au s'neu Hotel

isch top gsi. Feins Essä und ä super Gastgeberfamilie. De Chef hät immer chöne witerhelfe, au wenn emol es Malheur mit em Anhänger passiert und mir en neue Karabiner bruchet, er isch super usgrüschtet i sim Hotel.

Ä Wuchä druf isch es mit es paar Jungs an Swiss Ski Power Test uf Altedorf gange, organisiert vom RLZ Hoch Ybrig.

Nach de Herbstversammlig sind mir numol mitere Gruppe vo 5 Chind ist Stubai go trainiere. Am Samstag super Ver-hältnis bi bestem Wetter und am Sunntig bi mega viel Neuschnee sind mir mit de Rieseski go powdere. Zwar echli streng zum fahre aber es hät trotzdem Spass gmacht.

Ab Mitti November isch es ab uf d'Ski gange bi üs i de Schwiiz, zersch uf Davos, denn id Flumsi und scho sind mir Mitti Dezember s'erscht mol im Atzmännig am trainiere gsi. Super Verhältnis und ä gueti Schneedecki, händ all gmeint aber denn seicht wie us Küble a de Wiehnacht und all de schöni Schnee isch weg. Trotzdem für sechs Trai-nings im Dezember dehei im Atzmännig häts glanget. Danke de Sportbahne Atzmännig für die gross Understützig.

Die erschte Rennä stönd vor de Tür, zersch Silvesterrenne im Hoch Ybrig, uf Obersaxe a Zürileurenä und so wiiter. E Strengs Programm, fast jedes Wucheend irgendwo a de Rennä aber Chind machet das super. Alli Resultat findet ihr i de letschte Clubnachrichte vom Mai. Speziell erwähne möcht ich das Johr, die viele Podestplätz vo üsne Junio-re. Schön das de Skiclub wieder ä Junioretruppe am Start hät. Am GP Migros Final in Obersaxe hät mit em Lieven Büsser au wieder mal öper vo üsem Team chöne teilnä, herzlich Gratulation. Und scho isch mit de ZSV-Clubmeisterschaft Saison z'End gange. Au det gits numol en Podestplatz zum bejuble.

Anfangs Mai isch s'LinthCup Absende in Kaltbrunn gsi, zwar weniger Podestplätz zum bejuble, däfür bi de Tombola gross abgrummt. Gstartet sind mir im Mai mit em Summertraining, am Zischtig Inline im Atzmännig und am Dunstig es Kondi-training. Nach de Hauptversammlig tüend mir wieder Tschuttä am Dunstigobig, chömet doch au. Und morn gönd mir ufs Gönnerreisli und gnüsset das Weekend mit em Ski Team.



Zum Schluss möcht ich mich bi allne Leiter bedanke, wo die Saison wieder en grosse Isatz fürs Ski Team gleistet händ. Denise wird s'Leiterteam verloh, viele Dank dir fürs leite i de letschte Johr. Au en grosse Dank am Vorstand und allne wo üs irgend innere Form understützet. Dir liebi Theres ä riesigs grosses Dankeschön für dini Arbet als Technischi

Leiterin und Spoko-Chefin. Immer wieder sind mir froh gsi, um din Rat und wend du zum rechte glueget hesch, so dass mir nüt vergesset und alles sin richtige Lauf nimmt. Vielä Dank Theres für dini gross Unterstützig.

Allne en schöne Summer und bis bald im Training. Eue Joschi

Bericht vom Gönnerreisli 2022

Gönnerreisli 2022 Samstag

Am Samstag Morgä hemmer üs all ufäm Rote-Platz troffä. Churz dena simmer abfahre richtig Morschach bim Swiss-Holiday-Park hemmer aghalte. Mir hend usä gfunde dass mir gönd go Kart ~~fahre~~ fahrä es isch mega lustig gsi. Nacher hämmer üs en feine Z'mittag verdient mir hend grilliert. Witer gangä isches mit me dedektiv Spieli. Es het Gruppene gäh ich bin mit de Meline, de Mayen, em Oli und em René gsi. Mir händ meeeggaa wit müssä laufe. Womer fertig gsi sind hests es Glace gä und de steiner het allnä no en Seestern

gspendiert. Nachär simmer abgfahre
i üses Pfadihuus. Es isch mega heis
gsi darum simmer no inā Weierbadi
idā nöchi. Mir sind all mitenand
no ufs Floos die grasse hend mir,
em Mils, em Lee Roy und em Lieven
gseit mir söled die chind det ufem
Stand-Up go kentere. Mir hends
denn au gmacht aber de Bod-
meister het nöd so freed a üs gha.
Nacher simmer au scho wieder hei.
Dehei hemmer nöchli verusse gspillt
und denn hets Z'nacht gā es het
Spagetti gā. Ou stimmt bsuech hem-
mer au no gha de Rick und
de Röbi sind zum Z'nacht cho.

Nachem Z'nacht hemmer Rugby
gspillt dass isch mega lustig gsi.

Nacher hemmer auscho mussā is
Bett ñ. Aber mir Mätli hend

eifach nōd chōnā schlafe es isch
so e Hitz gsi. Denn isch de

Simi ine cho und mir hend
gfrägt übi mir noohli use chōnd.

Mir sind den no mit em Simi
go joggā öppā am ~~10~~ ~~12~~ 24:00 U.

Es isch huere sträng gsi aber au
lustig. Nacher simmer is Bett und
hend gued chōnā schlafā.

VON LIVIA LUCK

Gönnereisli 20 22

sonntag 9:00 Uhr am Morgen
ein feines Frühstück. Nach
dem Frühstück haben wir
zusammengepackt und haben
draußen gespielt. Nach dem
Spülen übergeben wir
das Haus. Dann fahren
wir mit dem Bus
zum Seilpark. Es war
kühl im Seilpark und
dann essen wir zmittag.

LIVIO

Gönnereisli 2022

Nach dem zmitag ausruistung
geholt und dan haben wir
begonnen mit klettern, kul wares.

Nacher sind wir zum bus gefahren.

Und dan sind wir nach goldingen
gefahren, Danke da leiter für das
kule wickend.

Fabio



Wichtige Adressen

Präsident:

Patrick Gübeli
Fägswilerstrasse 10
8630 Rüti
praesident@scgoldingen.ch
N 079 378 78 25

Vizepräsident:

Adrian Wildhaber
Binzenstrasse 1
8733 Eschenbach
vize@scgoldingen.ch
N 079 284 25 24

Kassier:

Stefan Fischer
Schmerikonerstrasse 10
8733 Eschenbach
kassier@scgoldingen.ch
P 055 535 64 04
N 077 409 34 45

Aktuar:

Manuel Rüegg
Twirrenstrasse 56
8733 Eschenbach
aktuar@scgoldingen.ch
N 079 734 27 63

Technische Leitung:

Manuela Büsser
Dorfstrasse 23
8638 Goldingen
buesser_manuela@bluewin.ch
N 079 335 51 74

Materialverwalter:

Roger Blöchliger
Walderstrasse 19
8732 Neuhaus
material@scgoldingen.ch
N 079 824 86 81

Administration:

Nicole Kündig
Ufnau 4
8733 Eschenbach
administration@scgoldingen.ch
P 055 282 46 23
N 076 390 28 33

Oldtimer-Obmann:

Werner Oberholzer
Twirrenstrasse 19b
8733 Eschenbach
werner.oberholzer@bluewin.ch
N 079 703 79 76

OK-Präsident Schneesport:

Martin Dönni
Hintergoldingerstrasse 17
8638 Goldingen
martin.doenni@swissonline.ch
N 079 909 11 60

J+S Coach:

René Gmür
Schmerikonerstrasse 5b
8733 Eschenbach
rene.gmuer93@gmail.com
N 079 559 10 22

Chef Timing-Crew Zeitmessung:

Dominik Rüegg
Ziegelhof 19
8718 Schänis
dominik.ruegg@bluewin.ch
N 079 393 58 83

Chef Ski Team:

Samuel Rüegg
Kirchhaldenstrasse 12
8722 Kaltbrunn
samuel.ruegg@bluewin.ch
N 077 459 00 60

Clubboutique:

Inge Gmür
Glärnischweg 7
8638 Goldingen
i.gmuer@bluewin.ch
N 079 258 05 41

Chef-Stv. Ski Team:

Stefan Steiner
Mürtschenstrasse 3
8638 Goldingen
stefsteiner1984@gmail.com
N 078 835 77 71

LeiterInnen Ski Team:

René Gmür
Stefan Rüegg
Philipp Burkart
N 079 559 10 22
N 079 745 69 02
N 079 202 71 45

Marc Oberholzer
N 079 197 68 15

Ramona Fischer (Skianzüge) N 079 729 02 26

Corinne Dönni (Finanzen) N 079 396 32 11
Barbara Landolt (Finanzen) N 078 776 25 80

Bitte Adressänderungen ausschliesslich einem Vorstandsmitglied (und nicht direkt bei Swisski) melden. Vielen Dank!